



# KENYATAAN MEDIA

KEMENTERIAN PERDAGANGAN DALAM NEGERI  
DAN KOS SARA HIDUP

No. 13 Persiaran Perdana, Presint 2,  
62623 Putrajaya

No. Telefon : 03-8882 5562  
No. Fax : 03-8882 5569

## KPDN TERUS PANTAU DAN PERIKSA HARGA BARANG SELURUH NEGARA

**KAJANG, 3 NOVEMBER 2023** – Yang Berhormat Senator Puan Hajah Fuziah binti Salleh, Timbalan Menteri Perdagangan Dalam Negeri Dan Kos Sara Hidup hari ini telah melakukan pemeriksaan dan pemantauan harga barang di **Pasar Awam Presint 8, Putrajaya** dan **Pasar Awam Kajang, Selangor**.

2. Tujuan pemeriksaan dan pemantauan ini dilaksanakan bagi meninjau situasi semasa yang berlaku di lapangan **berhubung penjualan ayam susulan penamatan subsidi dan kawalan ke atas harga ayam bermula 1 November 2023** seperti yang telah diumumkan oleh YB Menteri Pertanian Dan Keterjaminan Makanan (KPKM) pada 30 Oktober 2023.

3. **KPDN** telah menggerakkan lebih **2,200 orang anggota penguat kuasa** di seluruh Negara untuk menjalankan pemeriksaan dan penguatkuasaan di bawah **Akta Kawalan Harga dan Antipencatutan 2011 [Akta 723]** bagi memantau situasi harga ayam yang telah diapungkan mengikut harga pasaran semasa dan memastikan tidak berlaku kenaikan harga yang tidak munasabah.

4. Pada masa yang sama, **KPDN** komited dalam menjalankan pemantauan harga barang yang dilaksanakan oleh lebih daripada **900 Pegawai Pemantau Harga KPDN** setiap hari melibatkan hampir **1,500** premis meliputi pasar basah, *hypermarket* dan *supermarket*, pasar mini dan kedai runcit di seluruh Malaysia.

5. Berdasarkan pemantauan yang dilakukan oleh **KPDN** pada **2 November 2023**, kedudukan harga purata **Ayam Bersih Standard** di peringkat **Nasional** adalah **RM8.51/kg** manakala harga purata di **Semenanjung Malaysia** adalah **RM8.46/kg**. Sementara itu, harga purata bagi **Ayam Bersih Standard** di **Sabah** adalah **RM11.61/kg**, **Sarawak** adalah **RM10.14/kg** dan **Wilayah Persekutuan Labuan** pula adalah **RM12.50/kg**.

6. **KPDN** juga ingin memberikan amaran keras kepada semua peniaga agar sentiasa mematuhi peraturan dan undang-undang yang berkuat kuasa dengan mempamerkan tanda harga dengan jelas dan menggunakan alat timbang dan sukat yang telah ditentukan bagi mengelakkan dikenakan tindakan tegas oleh pihak Kementerian.

7. Pengguna turut disarankan agar memanfaatkan sepenuhnya aplikasi mudah alih **Price Catcher** semasa berbelanja dan membuat perbandingan harga serta merancang perbelanjaan secara berhemah.

8. **KPDN** meminta kerjasama orang ramai untuk memaklumkan kepada Kementerian sekiranya berlaku salah laku oleh peniaga berhubung perkara berkaitan bersama butiran aduan yang lengkap melalui saluran berikut:

- i. WhatsApp 019-279 4317 / 019-848 8000;
- ii. Portal e-Aduan KPDN iaitu <http://eaduan.kpdn.gov.my>;
- iii. Call Centre 1-800-886-800;
- iv. E-mel [e-aduan@kpdn.gov.my](mailto:e-aduan@kpdn.gov.my);
- v. Aplikasi Telefon Pintar Ez ADU KPDN;
- vi. Bilik Gerakan Penguatkuasaan 03-8882 6088 / 6245, dan;
- vii. **Kod QR Aduan Bekalan:**



**YB SENATOR PUAN HAJAH FUZIAH BINTI SALLEH,  
TIMBALAN MENTERI PERDAGANGAN DALAM NEGERI  
DAN KOS SARA HIDUP,  
KAJANG, SELANGOR, 3 NOVEMBER 2023.**

**###**

## LATAR BELAKANG

Kementerian Perdagangan Dalam Negeri dan Kos Sara Hidup (KPDN) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam Negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampar sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkap dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam mengurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDN:

